

CURRENTA

S. CONGREGATIO S. OFFICII.

(SECTIO DE INDULGENTIIS).

1.

DE ABSOLUTIONE SEU BENEDICTIONE PAPALI TERTIARIIS ACCIPIENDA.

DECRETUM

Die 15 Decembris 1910.

SSmus N. D. Pius divina Providentia PP. X. in Audientia R. P. D. Adessori S. Officii impertita, preces a nonnullis Tertiariorum Sodalitatum Moderatoribus pluries porrectas, benigne excipiens, quo facilius Tertiarii ex utroque sexu, cuiuscumque Ordinis, iis non exceptis, qui vitam communem agunt, diebus statutis generalem Absolutionem seu Papalem Benedictionem recipere valeant, clementer indulsit, ut, quoties ipsi ad hunc finem una simul convenerint, et Sacerdos, cuius est illam impertiri, quacumque ex causa, abfuerit, eandem Absolutionem seu Benedictionem accipere possint a quolibet Sacerdote, sive saeculari, sive regulari, qui ad sacramentales confessiones audiendas sit approbatus. Praesenti in perpetuum valituro. Contrariis quibuscumque non obstantibus.

(L. S.)

Aloisius Giambene,
Substitutus pro Indulgentiis.

2.

DE METALLICO NUMISMATE PRO LUBITU FIDELIUM
SACRIS SCAPULARIBUS EX PANNO SUFFICIENDO.

DECRETUM

Cum sacra, quae vocant, scapularia ad fidelium devotionem fovendam sanctionisque vitae proposita in eis excitanda maxime conferre compertum sit, ut pius eis nomen dandi mos in dies magis invalescat, SSmus D. N. D. Pius divina providentia PP. X., etsi vehementer exoptet, ut eadem, quo hucusque modo consueverunt, fideles

deferre prosequantur, plurium tamen ad Se delatis votis ex animo obsecundans, praehabito Emorum Patrum Cardinalium Inquisitorum Generalium suffragio, in Audientia R. P. D. Adessori huius Supremae Sacrae Congregationis Sancti Officii, die 16. Decembris anni currentis, impertita, benigne decernere dignatus est:

Omnibus fidelibus, tam uni quam pluribus veri nominis atque a Sancta Sede probatis scapularibus (exceptis, quae Tertiorum Ordinum sunt propria), per regularem, ut aiunt, impositionem iam adscriptis aut in posterum adscribendis, licere posthac pro ipsis, sive uno sive pluribus, scapularibus ex panno, unicum numisma ex metallo seu ad collum seu aliter, decenter tamen super propriam personam, deferre, quo, servatis propriis cuiusque eorum legibus, favores omnes spirituales (*sabbatino*, quod dicunt, scapularis B. M. V. de Monte Carmelo *privilegio* non excepto) omnesque indulgentias singulis adnexas participare ac lucrari possint ac valeant.

Huius numismatis partem rectam SSmi D. N. I. C. Suum Sacratissimum Cor ostendentis, aversam Bmae Virginis Mariae effigiem referre debere.

Idem benedictum esse oportere tot distinctis benedictionibus, quot sunt scapularia regulariter imposita, quois, pro lubitu petentium, suffici velit.

Singulas has, demum, benedictiones impertiri posse *unico crucis signo*, vel in ipso adscriptionis actu, statim post absolutam regularem scapularis impositionem, vel etiam serius, pro petentium opportunitate, — non interest an servato vel non diversarum adscriptionum ordine, nec quanto post temporis ab ipsis, a quovis Sacerdote, etiam ab adscribente distincto, qui respectiva scapularia benedicendi sive ordinaria sive delegata facultate polleat, firmis ceteroquin primitivae facultatis limitibus, clausulis et conditionibus.

Contrariis quibuscumque, etiam specialissima mentione dignis, non obstantibus. Datum Romae, ex Aedibus S. Officii, die 16 Decembris 1910.

ALOISIUS GIAMBENE,
Substitutus pro Indulgentiis.

(L. S.)

3.

AD DECRETUM S. CONGREGATIONIS S. OFFICII DE METALLICO NUMISMATE SACRIS SCAPULARIBUS SUFFICIENDO.

DECLARATIONES.

Circa numismata hucusque ad finem, de quo supra, benedicta, et circa facultatem ea benedicendi a SSmo Dno nostro, directe, vel per aliquod S. Sedis Officium, aut aliter quomodolibet iam concessam, Idem SSmus mentem Suam aperuit, et quae sequuntur adamussim servanda mandavit:

1. Numismata a facultatem habentibus rite iam benedicta, etiam in posterum scapularium loco gestari poterunt, eo modo et sub iis conditionibus, quibus constitit factam esse potestatem.

2. Sacerdotes omnes, saeculares vel regulares, etiam conspicua fulgentes dignitate, ne amplius numismata sic benedicendi utantur facultate, quinquennio ab illa

obtenta transacto. Poterunt interea, etiamsi scapularia respectiue benedicendi non polleant facultate, numismata ubilibet benedicere; ea tamen lege, ut sive quod ad statutas eorum attinet imagines, sive quod ceteras respicit condiciones, praescriptionibus in supra relato Decreto contentis omnino se conforment.

3. Qui porro subdelegandi praediti erant facultate, hac ipsa Decreti et Declarationum promulgatione se illa noverint excidisse; satis enim per idem Decretum iam spirituali fidelium emolumento provisum est.

Datum Romae, ex Aedibus S. Officii, die 16 Decembris 1910.

(L. S.)

ALOISIUS GIAMBENE,
Substitutus pro Indulgentiis.

4.

DE UTILI TEMPORIS SPATIO AD VISITATIONEM ECCLESIAE
VEL ORATORII INSTITUENDAM, PRO INDULGENTIIS LUCRANDIS.

Die 26. Iannuari 1911.

SSmus Dnus noster D. Pius divina Providentia Pp. X. in audientia R. P. D. Adessori S. O. impertita, ut dubiis, difficultatibus et controversiis occurratur, quae saepe exorta sunt, ac forsitan et deinceps oriri possent, circa temporis determinationem, quo ecclesiae vel oratorii visitatio institui valet, quum haec requiritur ad Indulgentias lucrandas alicui diei adnexas, benigne concessit, ut utile ad id tempus habeatur et sit: non modo a media ad mediam noctem constituti diei, verum etiam a meridie diei praedecentis. Hoc autem declaravit fore valiturum tam pro Indulgentiis plenariis quam pro partialibus, semel in die aut toties quoties acquirendis, usque ad hunc diem concessis vel in posterum concedendis, quacumque demum sub loquutione tempus sive dies designetur. Sartis tectis manentibus de cetero clausulis et conditionibus in singulis quibuslibet concessionibus appositis. Contrariis quibuscumque, etiam specialissima et singulari mentione dignis, non obstantibus.

(L. S.)

Aloisius Giambene, *Substitutus pro Indulgentiis.*



S. CONGREGATIO CONSISTORIALIS.

DECLARATIONES

CIRCA IUSIURANDUM A MOTU-PROPRIO „SACRORUM ANTISTITUM“¹⁾ PRAESCRIPTUM.

Propositis huic sacrae Congregationi Consistoriali, quae sequuntur, dubiis, id est:

I. utrum alumni Religiosi maioribus ordinibus initiandi teneantur dare iusiu-

¹⁾ Cfr. Curr. XIII. ex a. 1910.

randum a Motu-proprio *Sacrorum Antistitum* praescriptum coram Episcopo ordines conferente, an coram moderatore religioso?

II. coram quonam idem iusiurandum praestare debeant Religiosi, qui confessionibus excipiendis et sacris concionibus habendis destinantur?

III. in quibusnam tabulariis adservanda sint documenta iusiurandi a superius memoratis Religiosis dati?

SSmus Dominus noster Pius PP. X. in audientia diei 6 Decembris 1910 Cardinali Secretario eiusdem sacrae Congregationis concessa, mandavit, ut respondeatur:

ad I. affirmative ad primam partem, negative ad secundam.

ad II. coram eo, a quo approbationem confessionibus excipiendis et sacris concionibus habendis obtinent.

ad III. in tabulario illius Ordinarii, qui iusiurandum recepit.

Datum Romae, ex aedibus sacrae Congregationis Consistorialis, die 17 Decembris anno 1910.

C. CARD. DE LAI, *Secretarius.*

(L. S.)

S. Tecchi, *Adessor.*



SACRA CONGREGATIO DE RELIGIOSIS.

1.

DECRETUM QUOAD LAICOS ORDINUM RELIGIOSORUM.

Sacrosancta Dei Ecclesia Ordines Religiosos decorandos voluit solemnitate votorum, quo status prosequentium in eis evangelica consilia fieret aestimatione et effectu in christiana societate stabilior. Ad quae vota solemniter profitenda eos quoque admittit, qui nulla Sacerdotii Christi participatione donati, Conversi seu Laici vocantur.

Quum vero per votorum solemnitatem prorsus irrevocabili, arctissimo et publico nexu mancipetur homo divino servitio coram Ecclesia et fidelibus universis, decet omnino, ut qui hac ratione Christi vestigia se proprius ac perpetuo secuturos sponderunt, ii fideliter in sua promissione perseverent. Quod praesertim de Laicis seu Conversis dicendum est, quos nonnisi admiratione summa et scandalo cernerent fideles post solemnem professionem ad saecularia vota redire, nullo a se vitae prioris signo distinctos.

Spiritus autem temporum, qui omnimodam libertatem infausto vindicat hominibus, sancta quoque Monasteriorum septa est furtim praetergressus; idque etiam effecit, ut cum desiderio vitae humilioris, absconditae in Christo, qualis Conversorum solet esse in Coenobiis, propositi perseverantia simul imminueretur, in iis praesertim Laicis, quos forsan religiosos potius fecerat necessitas, quam voluntas, vel quos

Superiores absque debitis cautelis exceperant, vel quos acceptis a Deo beneficiis abuti contigerat. Hos, parvi facientes verba Sancti Augustini: *Nec ideo te vovisse poeniteat, imo gaude iam tibi non licere, quod cum tuo detrimento licuisset. Aggredere itaque intrepidus et dicta imple factis; ipse adiuvabit, qui vota tua expetit. Felix est necessitas, quae in meliora compellit* (S. Aug., Ep. 127, 8), mater Ecclesia, studens minori malo, licet non sine magna commiseratione, aliquando permisit abire.

Ut igitur dignitas votorum, quae etiam Laici solemniter promittunt, in laude, qua in Ecclesia merito gaudent, perseveret, et ad sanctum vocationis propositum impensiore cura provehendum, nostra difficillima aetate, haec Sacra Congregatio Negotiis Religiosorum Sodalium praeposita rem attentissime in Domino consideravit, discussis sedulo causis, propositisque mediis ac remediis; sententiamque expetivit quum Moderatorum Generalium praecipuorum Ordinum, tum plurium ex suis Consultoribus. Quae omnia Emi Patres Cardinales Sacri eiusdem Consensus in Plenario Coetu die 29 Iuli anno 1910 ad Vaticanum habito, diligentissime perpentes, quaedam statuenda rati sunt, quae Laicorum ingressum, tyrocinium, institutionem, votorum emissionem in posterum opportune moderentur.

Haec igitur erunt apprime servanda ab omnibus Religiosis Familiis, apud quas a Conversis quoque solemniter vota nuncupantur, nimirum:

1. Moderatoribus Generalibus facultas fit permittendi toties quoties Superioribus Provincialibus, ut excipere valeant eos quoque iuvenes ad Laicorum munia destinatos, qui vix expleverint decimum septimum aetatis annum, servatis servandis.

2. Nemo ad Novitiatum admittatur, qui per duos saltem annos, vel per plures, si magis diuturnum experimentum Constitutiones Ordinis praescribant, postulatum non expleverit, sub poena invalidae postea professionis.

3. Novitiatu ante vigesimum primum aetatis annum initium non habeat, ad tramitem iuris vigentis; isque unum vel etiam duos annos perduret, iuxta proprii Ordinis Constitutiones.

4. Expleto Novitiatu, servatisque, quae servanda sunt, Laici admitti possunt ad simplicem votorum professionem, quae quidem perpetua ex parte voventis, sit ad tempus sexennii ex parte Ordinis.

5. Absoluto sexennio votorum simplicium et expleto trigesimo aetatis anno ac non prius, sub poena item invaliditatis, servatisque pariter servandis, Laici vota solemniter nuncupare poterunt.

6. Quae in praecedentibus articulis respiciunt professionem votorum simplicium et solemniter, erunt quoque servanda quoad Laicos nunc in Coenobiis viventes, qui solemnem professionem nondum nuncuparunt.

Spatium hoc sat diuturnum novem annorum sperandum est, fore ut quum Superioribus tum tyronibus opportunitatem det explorandi illinc voluntatem, hinc vitae institutum, ad quod postea solemniter amplectendum, virtute firmior, potest homo maturius afferre iudicium.

Haec autem aliquam, non tamen omnino firmam darent perseverantiae spem, nisi ea comitentur sequentes et aliae id genus cautelae et industriae, quas Apostolica Sedes, decursu saeculorum, edixit vel adhibendas suasit, et observantiores Familiae Religiosae laudabili consuetudine et felici exitu expertae sunt.

Et in primis quoad Conversorum receptionem, multae sunt eaeque sedulae adhibendae cautelae et inquisitiones praemittendae. Provincialis indaget oportet de legitimitate natalium, de morum honestate, de optima coram populo fama, de idoneitate tyronum, ac praesertim de natura finis, quo ipsi aguntur, amplectendi statum Religiosum. Plures enim sunt, qui Religionem ingressi, non videntur commoda dereliquisse, sed quaerere; qui querunt *in Monasterio, quae nec foris habere potuerunt* (Reg., S. Aug., c. I. 3), quique facilem vitam curarumque expertem, immerito nominis honore, gerere cupiunt. Hi sane non sunt, quibus cum Sancto Augustino exclamare fas est: *Quam suave mihi subito factum est carere suavitatibus nugarum, et quas amittere metus fuerat, iam dimittere gaudium erat!* (S. Aug., Conf., l. 9. c. 1). Erunt quidem hi habitu Religiosi, non virtute, quos rectius fuerat in saeculo ambulasse per plana, quam ad altiora tendentes forsitan in discrimen suam aeternam vocare salutem.

Quos factae, etiam secreto, inquisitiones et exhibita documenta serio commendaverint, ii tantum praehabita de more maiorum Superiorum licentia, ad Postulatum admittantur.

Satis exploratum est, habet Clemens VIII in Instructione Cum ad regularem (n. 22) super receptione et educatione Novitiorum, *perfectam educationem Conversorum tum Religioni decorem et ornamentum, tum aliis Christifidelibus aedificationem, exemplum atque utilitatem afferre.* Necesse igitur est, ut statim ab ipso initio eorum animum spiritus Religiosus et Ordinis totum pervadat. *Qui disciplinam in novae conversationis initio negligit, ad eam postmodum difficile applicatur, et formam, quam primo quis recipit, vix deponit* (S. Bonaventura, in Spec. Disc., prolog. n. 1).

Ad hoc assequendum praeficiatur Postulantibus Pater, quem et aetas probaverit et vita, cui dicit sanctus Bernardus: *Zelum tuum inflammet caritas, informet scientia, firmet constantia* (S. Bernardus, Sermon. 20. n. 4. Cant.), et de quo Sanctus Gregorius Magnus scripsit (Reg. Past., p. 2. c. 6): *Curandum quippe est. ut rectorem subditis et matrem pietas et patrem exhibeat disciplina. Atque inter haec sollicita circumspectione providendum, ne aut districtio rigida, aut pietas sit remissa... Miscenda ergo est lenitas cum severitate; faciendum quoddam ex utraque temperamentum, ut neque multa asperitate exulcerentur subditi, neque nimia benignitate solvantur.*

Saepe ab ipsa civili educatione initium ducendum est; quum inferioris soleant esse fortunae, qui Laicorum numero petunt adscribi. Inurbanitas in agendi modis, in responsionibus dandis, in incessu, in ipsa corporis sumenda refectione, erit paulatim, sed omnino, evellenda. Sordidi habitus, quos sibi non amor humilitatis et contemptus mundi sollicite elegit, sed rudis negligentia foedavit, non olent spiritum Christi, ideoque non semper bene de iis, quorum corpora tegunt, annuntiant. Corporis habitusque mundities, comite semper modestia ac simplicitate, erit summo opere curanda. Quas item in mundo civilis educatio moderatas regulas constituit humani consortii, eas caritas quoque fraterna adhibendas suadet etiam in Coenobiis, quum caritatis sit, quidquid proximum pertubare potest, attende defugere. Inurbanitas autem, quae ex studio sui commodi procedit cum aliorum neglectu, non potest quin molestiam aliis inferat detque occasionem patientiae.

Externe haec sese habendi compositio viam sternit animo plenius educando, iis scilicet nobilibus sensibus infundendis, quibus mens trahitur ad aliorum levem quamque offensionem vitandam, desideria praevenienda, gratum animum facile demonstrandum, alios sibi praeferendos.

Haec tamen singula informet oportet, regat ac nobilitet caritas Christi, ita ut quidquid verbis, operibus, omissionibus nostris laudabile est ac proximo gratum, procedat ex corde pleno caritatis.

Quae omnia, si Laicos decent, summopere eminere debent in Sacerdotibus et iis, qui ad sacerdotium erunt promovendi, quorum igitur Laici intuentes exempla, pertrahantur non solum ad virtutis, sed etiam ad modestae urbanitatis tramitem prosequendum.

Monitis, hortamentis, patientia ac praesertim exemplo rudiorum quoque non erit difficile in urbanos et amabiles ita convertere mores ac modos, ut non multo post eorum ingressum in Religionem de ipsis repetere liceat illud Sancti Bernardi: *Induerunt sibi faciem disciplinatum et bonam totius corporis compositionem... sermo rarior, vultus hilarior, aspectus verecundior, incessus maturior. Verum, quia haec noviter coepere, ipsa sui novitate flores censenda sunt et spes fructuum, magis quam fructus* (Serm. 63. in Cant. n. 6),

Fructus hos quidem gignet institutio spiritualis, cui toti sint cum Postulantibus Praepositus, et cum Novitiis Magister. Laicorum profectum in viam sanctitatis faciant ipsi opus et lucrum suum, opus et lucrum sane nobile et ingens.

Ad normam Decretorum Apostolicae Sedis, eis explicent universam doctrinam christianam, praesertim quoad Sacramenta confessionis et communionis rite et fructuose percipienda, prae oculis habentes Catechismum Concilii Tridentini ad Parochos. Simul eos doceant, quasnam obligationes secum trahat votorum professio, quid exigant votis respondentes virtutes. Eas quoque explanent Regulae et Constitutionum partes, quae ad Conversos pertinent.

Habeantur statis diebus collectiones seu sermones ad Laicos, non tantum vero ad novos, sed ad omnes, seniores quoque votorum professione et aetate; quibus collectionibus seu sermonibus argumentum sint non solum catechismus, vitae spiritualis monita, Regulae et Constitutionum explanatio, verum etiam normae practicae et exempla modestae moderataeque urbanitatis.

Laicorum autem animum iis virtutibus ac praesidiis Superiores roborare satagant, quae Laicorum status, praecipua quadam ratione, reposcit, nempe humilitate, obedientia, spiritu orationis ac sanctificatione laboris.

Et in primis, exteriorem et cordis humilitatem studeant assequi Laici. *Nec aliam tibi... viam munias, quam quae munita est ab illo, qui gressuum nostrorum tamquam Deus vidit infirmitatem. Ea est autem prima humilitas, secunda humilitas, tertia humilitas: et quoties interrogas, hoc dicerem.* (S. Augustinus Ep. 118. n. 22). Nam, ut habet divus Bernardus (*De Cons.* l. 5. c. 14. n. 32): *Virtutum... stabile fundamentum, humilitas...; si nutet illa, virtutum aggregatio non nisi ruina est.* Quod ita explicat Sanctus Thomas: *Humilitas primum locum tenet, in quantum scilicet expellit superbiam, cui Deus resistit, et praebet hominem subditum et semper patulum ad suscipiendum influxum divinae gratiae, in quantum evacuat inflationem*

superbiae; ut dicitur Iac. IV, quod Deus superbis resistit, humilibus autem dat gratiam; et secundum hoc humilitas dicitur spiritualis aedificii fundamentum. (II. II. q. 161, art. 5. ad 2).

Quum vero ad veram humilitatem inducat frequens in despectis operibus exercitatio, dicente Sacra Scriptura, quod numquam ad humilitatis virtutem perveniet, qui opera humilitatis refugit (B. Alb. M. de Par. Animae c. 2), muneribus quibus fuguntur, eo potissimum debent gaudere Laici, quod humilitatis exercendae et augendae veluti indeficientem habeant opportunitatem.

Excellat quoque in Laicis obedientia. Noverint in ea nullum esse peccandi periculum; cum ea certissima est victoria, inexpugnabile tutamen, merita plurima, pax summa. Sit autem oportet munita supernaturalibus motivis. Iuxta Sanctorum documenta rectores nostri sunt vicarii Dei super nos. Et ideo debemus eis sicut Domino obedire et non sicut hominibus, quia non propter ipsos, sed propter Deum eis subiacemus. Ac Sanctus Gregorius Magnus docet: *Vera namque obedientia nec praepositorum intentionem discutit, nec praecepta discernit... Qui obedientiae bonum exsequitur, non iniunctum opus debet considerare, sed fructum* (In I. Reg. I. 2. c. 4. n. 11). Quapropter Sanctus Bernardus merito improperat eorum obedientiam, qui *non in omnibus parati sunt obsequi, non per omnia sequi proposuerunt eum, qui non suam, sed Patris venit facere volutantem. Discernunt et diiudicant, eligentes in quibus obediant imperanti* (In conv. S. Pauli, Serm. I. n. 6); et quos constat, iuxta eundem Sanctum Bernardum, *nec unquam libenter obedire, nisi cum audire contigerit, quod forte libuerit, aut quod non aliter licere seu expedire monstraverit vel aperta ratio, vel indubitata auctoritas* (De praec. et dispensat. c. 10. n. 23). Huic exercendae virtuti validissimum dent auxilium et animum verba et exempla Christi Iesu, qui non desiit asseverare: *Descendi de coelo, non ut faciam volutantem meam. Non quaero voluntatem meam, sed voluntatem eius, qui misit me. Sicut mandatum dedit mihi Pater, sic facio. Ego, quae placita sunt ei, facio semper. Meus cibus est, ut faciam voluntatem eius, qui misit me, ut perficiam opus eius. Pater mi,.... non sicut ego volo, sed sicut tu* (Ioan. 6. 38; 5. 30; 14. 31; 8. 29; 4. 34; Matth. 26. 39); quique *factus est obediens usque ad mortem, mortem autem crucis* (Philip. 2. 8).

Spiritus quoque orationis erit magnopere provehendus. *Orandi diligentia tibi in primis necessaria est: impenetrabilis enim armatura, certum perfugium, securus portus, tutissimumque asyllum est oratio. Haec una et mala omnia depellit ab anima, et bona omnia in illam invehit. Ipsam animam purgat, poenam peccatis debitam submovet, praeteritas negligentias sarcit, divinam gratiam impetrat, pravas concupiscentias extinguit, effrenatas animi passiones domat, hostes prosternit, tentationes superat, calamitates lenit, moerorem fugat, laetitiam infundit, pacem conciliat, hominem Deo coniungit, coniunctumque ad aeternam gloriam sublevat. Precando impetrabis, quidquid utile tibi fuerit* (Lud. Blosius, Canon vitae spirit., c. 17. n. 1). Clemens VIII ad Conversorum religiosam institutionem id quoque praescripsit: *Pro eorum capacitate et commoditate, de spiritualibus, praesertim de modo mentaliter orandi, diligenter instruendi erunt* (Instr. super rec. et educ. Novit., n. 22).

Curandum igitur est, ut bene noscant Laici virtutem et exercitium orationis;

ut statis horis orationi quum mentali tum vocali fideliter vacent; ut tempus ad hoc statutum in Constitutionibus Ordinis unice orationi integrumque dicent; nec satis sit eos meditationi operam dare, quum Missis inserviunt. Indagent autem Superiores, praesertim postquam Laici tyrocinium absolverint, utrum meditationi et orationibus incumbant.

Brevium quoque orationum, quas iaculatorias vocant, sit ipsis usus continuus inter diem. Compendiosa est enim via ad consequendam animae unionem cum Deo, ad merita augenda, ad rectam intentionem servandam, ad tentationes praeripiendas et superandas, ad omnia sanctitate extollenda.

Manuale opus, quod in Coenobiis est munus Laicorum praecipuum, pariter sanctificent, non ad oculum servientes, non laudis expetentes praemium, sed unice voluntatis Dei ac Superiorum solliciti. *Quam pudendum et dolendum est, si delectat labor, ut... cuppa et sacculus impleatur... et non delectat, ut Deus acquiratur.* (S. August. *De bon. vid.* c. 21). *Quanta apud Deum merces, si in praesenti pretium non sperarent! Quantis sudoribus haereditas cassa expetitur! Minori labore margaritum Christi emi poterat* (S. Hieron. ad Nep., *de vita cler. et monac.* 6).

Habeant tandem prae oculis monita Sancti Bonaventurae: *Continue mentem tuam ita habeas ordinatam cum Deo, quod omne opus tuum atque exercitium tam mentis quam corporis sit oratio, omniaque servitia, et maxime humiliora cum tanto facias caritatis fervore, ac si ea Christo corporaliter exhiberes. Quod certe debes et potes veraciter cogitare, quoniam ipse dixit in Evangelio: Quod uni ex minimis meis fecistis, mihi fecistis. — Scias indubitanter, carissime frater, quod nisi perfecte abnegaveris temetipsum, sequi non poteris vestigia Salvatoris et sine sollicitudine continua et labore eius gratiam adipisci nequibis, et nisi assidue pulsaveris portas eius, ingredi non poteris ad pacem mentis, et nisi te instanter in timore Dei tenueris, cito domus tua corruet in profundum.* (*Memorial.*, n. 19. et 25. conclus.).

Ad que omnia consequenda Laici sacrae mensae assidui sint per frequentem, imo etiam quotidianam SSmae Eucharistiae sumptionem ad normam recentiorum instructionum Apostolicae Sedis. Itemque omnino peculiarem colant devotionem erga Deiparam Virginem Mariam, quam ut suam amantissimam matrem semper invocare, honorare et imitari conentur.

Curent quoque Superiores, ut Sacerdotes et Laici mutuam sibi summamque observantiam et caritatem adhibeant. Revereantur Laici Presbyteros, a quibus ministeria ac mysteria maxima accipiunt. Honorent Presbyteri Laicos et *studeant... de pauperum fratrum societate gloriari* (*Reg. S. Aug. c. I. 5*). Id meminerint Sacerdotes, plurimos in Religiosis Ordinibus Laicos, ab humilioribus occupationibus, quibus per vitam functi fuerant, ad altarium honores evectoros et inter beatos Coelites post mortem adnumeratos fuisse. Illud igitur genus vitae in Laicis pia colant observantia, quod tam frequenti et mirificae sanctitati aditum patefecit.

Ne gravitate munerum exercendorum in Conventu Laici superbiant, animo efferrantur et parvi faciant ipsos Sacerdotes, officia graviora cuiusvis generis ne demandentur eis, nisi necessitate cogente, idque fiat semper sub omnimoda dependentia et obedientia alicuius patris gravioris aetatis et consilli, cui agendorum et gestorum ipsi rationem fideliter reddant.

Haec sufficiant de plurimis pauca.

Ceterum haec Sacra Congregatio summopere confidit, fore ut Superiores Generales omnium Ordinum Religiosorum ad simile vitae studium pro viribus provocare nitantur suos Laicos. Sic eorum vigilet tolerantia, ut non dormiat disciplina. Nam *nil tam fixum animo, quod neglectu et tempore non obsolescat* (S. Bern., *de Cons.*, l. 1. c. 2). *In hoc enim differunt laudabiles religiones et iam dilapsae, non quod nullus peccans in laudabilibus reperiatur, sed quod nullus impune peccare sinatur, et peccandi aditus studiose praecludantur, et incorrigibiles et alios inficientes eliminantur, et boni foveantur et diligantur, ut perseverent et in melius semper proficiant* (S. Bonavent., *De sex aliis Seraph.*, c. 2. n. 13).

Quibus omnibus Sanctissimo Domino Nostro Pio Papae X. relatis, Sanctitas Sua ea rata habere et confirmare dignata est, contrariis quibuscumque non obstantibus, etiam speciali mentione dignis.

Datum Romae, ex Secretaria Sacrae Congregationis de Religiosis, die 1 Ianuarii 1911

Fr. I. C. CARD. VIVES, *Praefectus.*

(L. S.)

† Donatus Archiep. Ephesinus, *Secretarius.*



W sprawie redukcji ciężarów fundacyjnych.

Na mocy upoważnienia, otrzymanego od Stolicy św. Dekretem św. Kongregacji Soboru z dnia 24 lutego 1907, prolongujemy niniejszem ważność tych wszystkich Naszych Dekretów redukcyjnych, któreśmy między 7 kwietnia 1908, a 7 kwietnia 1909 wydali, a któreby wskutek upływu trzechlecia, między 7 kwietnia br., a 7 kwietnia r. 1912 utraciły moc swoją.

Czynimy to jednak w tem przypuszczeniu, iż w poprzednim trzechleciu stan majątkowy tych fundacji nie uległ znaczniejszej zmianie na lepsze. Gdyby bowiem ten wypadek zaszedł, trzeba nas o tem natychmiast uwiadomić, byśmy mogli wydać odpowiednie zarządzenie. Gdyby zaś przeciwnie majątek fundacyjny uległ zmianie na gorsze, należałoby się również do nas odnieść z prośbą o odpowiednią, nową redukcję ciężarów.



W sprawie fasyi do wymiaru należytości ekwiwalentowej na najbliższe (VII.) dziesięciolecie

otrzymaliśmy od c. k. galic. Krajowej Dyrekcji skarbu następujący Komunikat i Okólnik, które dla użytku Wielebnego Duchowieństwa w całości tu zamieszczamy:

A) KOMUNIKAT

Należytości ekwiwalentowej podlegają w szczególności: kościoły, klasztory, beneficja kościelne (t. j. majątki na utrzymanie proboszczów, wikarych, ekspozytów i t. p.) wreszcie fundacye kościelne (mszalne t t. p.).

Jeżeli więcej osób prawnych dopiero określonych ma wspólny zarząd, to ten zarząd ma z reguły co do każdej osoby prawnej przedłożyć odrębne zeznania.

Tylko większą ilość fundacyi przy jednym i tym samym kościele istniejących można objąć jednym i tem samym zeznaniem, należy jednak w takim razie w tem jednym zeznaniu wymienić wszystkie fundacye i przy nazwisku każdej z nich podać przedmioty majątkowe do niej należące.

Posiadacze beneficjów, którzy na podstawie ustawy z 15 lutego 1877., Dz. u. p. Nr. 98, roszczą sobie prawo do uwolnienia od należytości ekwiwalentowej (dlatego, ponieważ czysty dochód z majątku beneficjalnego w dniu 1 stycznia 1911. nie przekraczał 1.000 K. rocznie) mają z reguły w myśl § 27. rozp. Min. sk. z 10 października 1910., Dz. u. p. ak. 186, zeznać ruchomy i nieruchomy majątek beneficjum i wyjednać u władzy skarbowej uznanie uwolnienia.

Ministrstwo skarbu zezwoliło jednak reskryptem z 10 stycznia 1911. L. 94147/910, aby ci beneficjaci, którym władza skarbowa już za szóste dziesięciolecie przyznała uwolnienie od należytości ekwiwalentowej, a których czysty dochód z majątku beneficjalnego w dniu 11 stycznia 1911 ciągle jeszcze kwoty 1.000 K. nie przekroczył, na razie zaniechali przedłożenia zeznania oraz dowodów, że uwolnienie i nadal im przysługuje.

Dopiero w takim razie mają to uczynić, jeżeli im władza skarbowa doręczy drukowane „przypomnienie obowiązku zeznania majątku w celu wymiaru należytości ekwiwalentowej“, adresowane „do Księdza Proboszcza“ (względnie innego beneficjata) „jako zarządcy majątku rz. (gr.,orm.) kat. Probostwa“ (względnie innego beneficjum) lub jeżeli beneficjata w inny sposób do zeznania majątku wezwie.

Uwolnienie od należytości ekwiwalentowej uzyskane w szóstym dziesięcioleciu nie uwalnia jednak żadną miarą od obowiązku zeznania majątku fundacyi (mszalnych t t. p.), pozostających pod zarządem dotyczącego beneficjata, a to nawet w takim razie, jeżeli dochód z majątku fundacyjnego wlicza się do kongrny.

B) OKÓLNİK

W dniu 1. stycznia 1911 rozpoczęło się siódme dziesięciolecie należytości ekwiwalentowej. Z tego powodu, a celem wymiaru wspomnianej należytości za czas od 1. stycznia 1911 do końca roku 1920, zarządziło Ministerstwo skarbu rozporządzeniem z 10 października 1910., Dz. u. p. Nr. 186, że osoby prawne obowiązane do płacenia należytości ekwiwalentowej mają najdalej do końca kwietnia 1911 przedłożyć zeznanie (fasyę) swego majątku, a to wedle stanu z 1. stycznia 1911. Osoby prawne, mające swą siedzibę we Lwowie względnie w Krakowie lub w okręgu

Sądu powiatowego S. II. we Lwowie, względnie Sądu powiatowego w krakowskiego, mają wnieść zeznanie w Urzędzie wymiaru należitości we Lwowie względnie w Krakowie; wszystkie inne mają je wnieść w Dyrekcji tego okręgu skarbowego, w którym znajduje się siedziba dotyczącej osoby prawnej.

To zeznanie należy sporządzić na urzędowych formularzach, określonych w § 6. powołanego rozporządzenia, które to formularze można nabyć po cenie 2 h. za arkusz w Ekonomacie krajowej Dyrekcji skarbu we Lwowie (plac Cłowy l. 1) oraz we wszystkich galicyjskich urzędach podatkowych z wyjątkiem lwowskich. Zeznań sporządzonych nie na formularzach urzędowych władza skarbowa nie przyjmie.

Dokładniejsze wskazówki co do treści i formy zeznań zawiera rozporządzenie ministeryalne, powołane na wstępie. Odbitki tegoż po cenie 20 h. za sztukę nabyć można w Ekonomacie krajowej Dyrekcji skarbu oraz w Urzędach podatkowych z wyjątkiem lwowskich.

W razie nieprzedłożenia zeznania w przepisany terminie zastosowany będzie § 80. ustawy należitościowej z 9 lutego 1850., Dz. u. p. Nr. 50. w ten sposób, iż przez cały okres dziesięcioletni, na który wymiar należitości ekwiwalentowej nastąpi, pobierać się będzie tę należitość w dwukrotnej wysokości.

W myśl § 2. powołanego rozporządzenia ministeryalnego mają osoby prawne, którym wedle ustawy przysługuje zupełne lub częściowe uwolnienie od należitości ekwiwalentowej, wykazać władzy skarbowej tytuł uwolnienia i wyjednać uznanie tegoż.

C. k. galicyjska krajowa Dyrekcya skarbu.

Lwów, dnia 27. stycznia 1911.

Szlachtowski.

Z KONSYSTORZA BISKUPIEGO.

W Tarnowie, dnia 14. marca 1911.

Ks. Dr. Władysław Mysor
Kanclerz.

† *Leon*
Biskup